

類

編

長

安

志

類編長安志卷之二

京兆路儒學教授路天驥纂編  
開成路儒學教授薛延年校正

京城

周

鎬京

鎬京毛詩曰考卜維王宅是鎬京維龜正之武王成之武王  
烝哉武王卜居是鎬京之地龜則正之謂得吉兆武王  
遂居之修三后之德以伐紂定天下成龜兆之占功莫

大於此帝王世紀曰武王自豐居鎬諸侯宗之是為宗  
周今豐水之東長安之南三十里去鄆二十五里鎬池  
即其故都也括地志曰武王宮即鎬京後號西都以落  
陽為東都至幽王為大戎所殺平王東遷鎬京淪陷至  
漢武穿昆明池於鎬京之西南水泛溢鎬京遂為鎬池

秦

咸陽

咸陽按周舊圖經在九蔓山之南渭水之北謂之咸陽漢  
書曰周平王東遷以豐鎬之地賜襄公至孝公始作咸  
陽築冀闕徙都之始皇併天下徙高資富彙十二萬於  
咸陽每破諸侯遷其宮室作之咸陽北坂上南臨渭已  
東殿屋複道相屬所得諸侯美人鐘鼓以充之所幸有  
言其處者罪死史記曰始皇二十七年作長信宮於渭南

通驪山築咸陽端門四達引渭水貫郡以象天漢橫橋  
南渡以法牽牛橋廣六丈南北二百八十步六十八間八  
百五十柱二百一十二樑以渭水為長池東西二百里  
南北三十里築為蓬萊山刻石為鯨魚長二百尺亦曰  
蘭池廟記曰咸陽北至九峻甘泉南至長楊五柞東至  
河西至汧離宮別館三百餘後宮美人萬餘婦人之氣  
上衝于天

漢

### 長安城

長安城漢書高帝七年修長安長樂宮自櫟陽徙都之本  
秦之離宮初狹小惠帝元年增築之正月發近長安六  
百里男女一十四萬六千人三十日罷六月發徒隸一萬人  
常役又五年復發十四萬五千人三十日罷城高三丈

五尺闊一丈五尺上闊九尺雉高三板周回六十五里  
 漢舊儀曰長安城中經緯各長三十二里一十八步地方  
 九百九十三頃八街九陌三宮九府三廟十二門九市  
 十六橋其地本黑壤今赤如火父老傳云鑿龍首山土  
 為城城下有池周繞廣三丈深二丈城開門一十二曰  
 東霸城門 清明門亦曰宣平門 南覆盎門  
 鼎門 便門 西章城門 直城門  
 雍門 北洛門 厨城門 橫門

漢城門皆有候門主候門謹啟閉三轉決錄曰長安城面  
 三門四面一十二門也皆通達九達以相經緯衢路平直可並列  
 車軌往來行者升降有上下之別西都賦云披三條之廣路立十二之通門

# 大興城

大興城按通鑑隋文帝厭嫌長安故城制度狹小又宮內多妖異約言蘇威勸帝遷都帝以初受命難之夜與威及高穎共議明旦通直散騎庾李才奏曰臣仰觀玄象俯察圖記必有遷都之事且漢營此城將八百歲水皆鹹鹵不甚宜人願陛下協天人之心為遷都之計帝愕然謂穎威曰是何神也太師李穆亦上表請遷都帝省表曰天道高明已有應徵太師人望復抗此請乃詔高穎等創建新都於龍首山以太子左庶子宇文愷有巧思領營新都副監將作大匠劉龍工部尚書鉅鹿郡公賀婁子幹太府少卿高龍又並克使營造左僕射高穎總領其事其地在漢故城之東南屬杜縣周之京兆郡萬年縣界南值終南山子午谷北據渭水東臨灊澹此

枕龍首原創築京城曰大興城自開皇二年六月十八日始詔規建制度三年正月十五日又詔用其月十八日移入新邑所司依式先築宮城次築皇城亦曰子城次築外郭城

城制度

隋城制度精密隋氏設都雖不能盡循先王之法然畦畛基布閭巷皆中繩墨坊有墉墉有門道亡姦偽無所容足而朝廷官寺民居市區不復相參亦一代之精制也唐人蒙之以為治更數百年間有能增大別宮觀之美者矣至其規模之正則不能有改其功亦豈小哉噫隋文之有天下纔二十二年而已其剗除不廷者非一國興利後世者非一事大趣皆以惠民為本躬決庶務未嘗逸豫雖古聖人夙興待旦殆無以過此惜其不學無

術故不能追三代之盛予因考正長安故圖愛其制度之密而勇於敢為且傷唐人冒疾史氏沒其實耶記於後元豐三年五月五日龍圖閣待制知  
大防題

隋唐

皇城

皇城俗呼為子城在宮城之南東西五里一百五十步南北三里一百四十步南面三門正南曰朱雀東曰安上西曰含光東面二門南曰景風北曰延喜西面二門南曰順義北曰安福自兩漢之後宮闕之間並有人家隋文帝以為不便於事皇城之內唯列府寺不使雜人居止公  
司有辨風俗齊肅蓋隋文帝之新意也皇城內南北七  
街東西五街並列臺省寺衛如左



鴻臚寺	司農寺	光祿寺	右威衛	左威衛	右千牛衛	左千牛衛	右驍衛	左驍衛	右清道率府	左清道率府	中書外省	尚書省
東宮僕寺	大理寺	太僕寺	禮部南院	吏部選院	右春坊	左春坊	右武衛	左武衛	右衛率府	左衛率府	門下外省	殿中省
率東寺	宗正寺	太府寺	西將作監	東將作監	右領軍衛	左領軍衛	右司禦衛	左司禦衛	右監門率府	左監門率府	東宮朝堂	內侍省
大府監	家令寺	少府寺	尚輦局	尚舍局	右監門衛	左監門衛	右衛	左衛	右內率府	左內率府	詹事府	祕書省

少府監

都水監

司天監

太廟署

中宗廟

太廟

元獻皇后廟

郊社署

御史臺

御史推事院

太社

廢古臺

司農寺草坊

鴻臚客館

驂駟馬坊

京城亦曰外郭城

京城外郭本隋之大興府唐改曰長安城京城記曰外郭城東西一十八里南北一十五里二百七十五步周六十七里其崇高一丈八尺隋文帝開皇二年創築唐永徽四年率天下口稅一錢更增築之南面三門正中曰明德南抵石鰲谷八十里東曰啟夏西曰安化東面三門北曰通化中曰春明南曰延興西面三門北曰開遠中曰金光南曰延平北面二門皇城東北曰芳林皇城西北曰光化郭中南北十四街其間列諸坊煬帝改坊為里司

官從九品京兆府萬年長安所治寺觀卽第編戶雜居  
焉皇城南面朱雀門有南北大街朱雀門街東西廣百  
步朱雀門至南外郭明德門九里一百七十五步萬年長  
安以此街為界城外郭朱雀門街東至明德門五十五

坊萬縣治之其名曰

興道坊

開化坊

光福坊

靜善坊

蘭陵坊

開明坊

安義坊

務本坊

崇義坊

長興坊

靖安坊

安善坊

大業坊

昌樂坊

安德坊

永興坊

崇仁坊

平康坊

宣陽坊

親仁坊

永平坊

永崇坊

昭國坊

進昌坊

通善坊

通濟坊

安興坊

勝業坊

安邑坊

宣平坊

昇平坊

修業坊

修政坊

青龍坊

道政坊

常樂坊

靖恭坊

新昌坊

昇道坊

廣德坊

外郭朱雀門門街西坊名曰

新寧坊	客戶坊	長樂坊	善和坊	永達坊	通義坊	豐安坊	敦義坊	光德坊	善政坊	懷遠坊
常和坊	永昌坊	大寧坊	通化坊	道德坊	興化坊	昌明坊	永安坊	延壽坊	安定坊	長壽坊
教化坊	光宅坊	永嘉坊	豐樂坊	光行坊	崇德坊	安樂坊	延福坊	布政坊	休祥坊	嘉會坊
修德坊	翊善坊	興寧坊	安業坊	延祚坊	懷真坊	大安坊	崇賢坊	頌政坊	金城坊	永平坊
立政坊	來庭坊	安仁坊	安喜坊	太平坊	宣義坊	大通坊	延康坊	輔興坊	醴泉坊	通執坊

明德門五十五坊長安縣治其

歸義坊	昭行坊	永陽坊	常安坊	和平坊
淳化坊	待賢坊	豐邑坊	崇化坊	懷德坊
羣賢坊	居德坊	義寧坊	普寧坊	脩真坊

再築京兆城

新說曰隋文帝開皇二年嫌漢長安城水鹹苦宮殿摧倒有妖魅遂遷都于龍首山南詔宇文愷創建大興城先修宮城以安帝居次築子城以安百官置臺省寺衛不與民同居又築外郭京城一百一十坊兩市以處百姓唐高祖入關都隋太極殿至永徽四年幸天下口稅一錢再增築之改為唐長安城以舊漢長安城改為楊廣城今俗呼為楊家城至高宗百官獻貲以建大明宮含元殿為東內以太極殿為西內至玄宗修興慶宮為南內祿山陷長安又遭巢寇宮殿焚毀殆盡唐帝東遷城郭蕭條

許公韓建去宮城又去外郭城重修于城城外古跡移於內南開朱雀門又開北安喜門安福門北開真武門為今之安西府也

## 宮殿室庭

宮城內  
宮禁雜錄附

周

宮

鄧宮文王宮也文王伐崇乃遷都于鄧詩云既伐于崇作邑于鄧鄭氏云鄧邑左鄧水之西春秋左氏傳康王有鄧宮之朝其宮在鄧縣鄧亭今俗呼豐城堡三里之城也春秋左氏傳夏有觀扈杜預注曰始平郡有郿縣扈柳甘亭殷為崇國乃此也

秦

宮

阿房宮史記曰始皇二十五年以為咸陽人多先王之宮庭小吾聞周文王都豐武王都鎬豐鎬之間帝王之舊都乃營作朝宮於渭南上林苑中先作阿房前殿東西五百步南北五十丈上可以坐萬人下可以建五丈旗周馳為閭道自殿下直抵南山之顛以為閭為複道自阿房渡渭屬之咸陽以象天極以著石為門鐵甲入者及之不得過為阿房北闕門也三輔黃圖曰阿房前殿木蘭為梁庭中可受十萬人車行酒騎行炙千人唱萬人和鑄金人十二史記曰始皇大收天下兵器聚之咸陽銷為鐘鑊鑄金人十二重二十萬斤坐高三丈其銘曰皇帝二十六年初兼天下改諸侯為郡縣一法律同度量大人來見臨洮其長五丈足跡六尺銘李斯象董

魏文帝改京兆尹為太守馮翊扶風各除左右仍以三輔  
屬司隸晉省司隸為長安置雍州統七郡京兆馮翊扶風  
安定始平北地  
新州治京兆郡惠帝永安元年張方劫帝幸長安光熙  
元年六月遷洛陽愍帝之後劉聰劉曜石勒苻堅姚萇相  
繼竊取之復置雍州徙置司隸校尉堅分司隸為雍州分  
京兆為咸陽郡其改長安  
曰長安孫泓為劉裕所滅東晉復置  
雍州及京兆郡尋為赫連勃勃所破遣子瑱鎮長安號曰  
南臺後魏大武始光元年破赫連昌以其地置秦雍南秦  
三州雍治京兆秦治天水南秦治伏羗雍州領京兆馮翊  
扶風咸陽北地等五郡三十一縣京兆郡領縣八長安社  
北新豐霸城  
陰槃藍田城孝武永熙三年自洛遷都長安號西魏復置  
京兆尹後周興隋因之開皇三年自漢長安故城東南移  
二十一里遷都龍首川改京兆尹為雍州大業三年改州



為京兆郡統縣二十二唐武德元年復為雍州以古雍州之地分為關右隴石二道後改為關內道三年分武功好時盤屋扶風四縣置稷州分溫秀石門二縣置泉州貞觀元年廢稷州以武功好時盤屋來屬十七年廢宜州以華原同官二縣來屬天授元年改雍州為京兆郡其年復為雍州二年分始平武功奉天盤屋好時等縣復置稷州分雲陽涇陽醴泉三原富平美原等縣置宜州大足元年廢瀋宜鼎稷四州以始平等一十七縣來屬開元元年改雍州為京兆府天寶元年以京城為西京京兆府領縣二十三二年置十五道採訪為京畿道至德二載曰中京元年建五月停京名尋曰上都天祐元年昭宗東遷于洛降為佑國軍黃巢寇長安焚毀宮室盡許公韓建棄舊城去郭城因子城築今京兆府梁開平元年改府曰大安二年改軍曰永

卓後志推破以為小錢英雄記曰昔大人見臨洮而銅人鑄臨洮生卓而銅人毀天下大亂卓身滅抑有以也餘二人魏明帝欲徙洛陽至霸城重不可去今在灞橋銅人原蒯子訓摩挲銅雙曰見鑄此今五百年矣

甘泉林光宮史記秦始皇二十七年作甘泉宮及前殿築甬道自咸陽屬之漢宮殿疏曰甘泉林完宮秦二代造祈年宮史記曰始皇初居之宮漢書祈年宮惠公起

咸陽宮秦穆王作在岐州扶風縣東北三十里

橐泉宮皇覽曰秦穆公家在橐泉宮下

梁山宮三秦記梁山宮城皆文石名織錦城在好畤縣

望夷宮史記胡亥三年夢白虎噬其左驂卜涇水為祟乃齋於望夷宮欲祠涇水趙高使閹樂殺二世於望夷宮在涇水上

長樂宮關中記長樂宮有魚池臺酒池臺秦始皇造

賓陽宮秦文王析起在鄂縣西南二十三里

宮觀二百七十史記云盧生說始皇曰人主為微行所居

而人知之則害於神願上居毋令人知則不死之藥殆

可得也乃令咸陽之旁二百里內宮觀二百七十複道

甬道相連帷帳鐘鼓美人充之所幸有言其處者罪死

長信宮史記始皇二十七年作長信宮於渭南通驪山

曲梁宮在三原縣

曲臺宮鄒陽傳秦倚曲臺之宮懸衡天下畫地而不犯兵

加胡越應劭曰始皇帝所治處也若漢未央宮

城陽宮始皇母遷於城陽宮

橐泉宮秦武王起在東倉又曰孝公起見長安志

高泉宮宣太后起在美陽城

蘭池宮秦始皇為微行咸陽與武士四人俱夜出逢盜蘭池宮見窘使武士擊殺盜關中大索二十日地里志渭城縣有蘭池宮三秦記曰始皇引渭水為長池東西二百里南北三十里築為蓬萊山刻石為鯨魚長二百丈亦曰蘭池陂

漢

宮

長樂宮本秦之興樂宮也高帝始居櫟陽七年長樂宮成始居之漢宮殿疏曰興樂宮秦始皇造漢重修周回二十里前殿東西四十九丈七尺兩杼中三十五丈深一十二丈高帝居此宮後太后常居之五屬二年驚鳳集長樂宮東闕樹上王莽改長樂宮為常樂宮

未央宮漢書高帝七年蕭何治未央宮立東闕北闕前殿

武庫大倉上見其壯麗甚怒謂何曰天下匈匈苦戰數  
歲成敗未可知是何治宮室適度也何曰天下方未定  
故可因以就宮室且夫天子以四海為家非今壯麗亡  
以重威且無令後世有以加也上說潘岳關中記曰未  
央宮周旋二十三里街道十七里有臺三十二池一十二  
土山四宮殿門八十一掖門十四又曰未央宮殿及臺皆  
疏龍首山土以作之殿基出長安城上非築也又取山  
土以為城山之餘尾今在城西南數里乃盡也其前殿  
東西五十丈深十五丈高三十五丈以木蘭為桷椽文  
杏為梁柱金鋪玉戶華榱璧璫雕楹玉碣重軒鏤檻青  
瑣丹墀左城石平黃金為壁帶間以和氏玼玉風至其  
聲玲瓏也未央宮有宣室麒麟金華承明武臺鈎弋等  
殿肴殿閣三十二又有壽城萬歲廣明永壽玉堂通光

白虎宮殿疏曰未央宮有麒麟閣天祿閣金馬門青瑣門玄武蒼龍二闕三輔舊事武帝於未央宮起高門神明王莽改未央宮壽成室按舊圖漸臺織室凌室弄田皆在未央宮

建章宮漢書曰武帝大初元年十一月栢梁臺災二月起建章宮文穎曰越至名勇謂帝曰越國有火災即復大起宮室以厭勝之故帝作建章宮度為千門萬戶在未央宮西今長安故城西俗所呼貞女樓者即建章宮之闕也跨池作飛閣適建章輦道以上下宮之正門曰閭闔高二十五丈亦曰壁門左鳳闕高二十五丈右神明臺門內北起別風闕高五十丈對峙并幹樓高五十丈輦道相屬馬連闕皆有眾恩前殿下視未央其西則廣中殿受萬人三輔舊事云建章宮周回三十里東起別風

闕乘高以望遠又於宮門北起圓闕高二十五丈上有銅鳳凰赤眉賊壞之西京賦云圓闕聳以造天若碣之相望是也廟記云建章宮北門高二十五丈北闕門也又有鳳皇闕高七十丈繁欽建章序云秦漢規模廓然泯毀唯建章鳳闕聳然獨存雖非象魏之制亦一代之巨觀古歌云長安城西有雙闕上有雙銅雀一鳴五穀生再鳴五穀熟漢書又云建章宮南有玉堂壁門三層臺高三十丈玉堂內殿十二門階陛盡玉為之鑄銅鳳高五尺飾黃金上有轉樞向風若翔椽首薄以璧玉因曰壁門又有神明堂疏園鳴鑾奇華銅柱函德二十六殿

桂宮漢武帝造周回十餘里漢書云桂宮有紫房複道通未央宮關輔記曰桂宮在未央宮北中有光明殿土山複道從宮中西上城至建章神明臺蓬萊山三秦記未

央宮漸臺西有桂宮中有光明殿皆金玉珠璣為簾箔處處明月珠金祀玉階晝夜光明西京雜記武帝為七寶林雜寶按廁寶屏風列寶帳設於桂宮時人謂之四寶宮北宮在長安城中近桂宮俱在未央宮北周回十里高帝制度草創孝文增修中有前殿廣五十步珠簾玉戶如

### 桂宮

甘泉宮一曰雲陽宮史記曰秦始皇二十六年作甘泉宮及前殿葉甬道自咸陽屬之關輔記曰林光宮前殿秦所造一曰甘泉宮因其甘泉山名宮周回十餘里武帝建元中增廣之周十九里去長安三百里望見長安城黃帝以來圓丘祭天處武帝造闕於南更置前殿始造宮室有芝生甘泉殿房中芝有九莖金色綠葉朱實夜有光乃作芝房之歌帝又起紫殿雕文刻鏤以玉飾之



成帝永始四年幸甘泉郊奉時神光降於紫殿甘泉又有高光林光長定竹宮等宮又有通天臺迎風館山復有露寒儲胥二館西起彷徨觀後築甘泉苑建元中作石闕封巒鵲觀於苑內南有棠梨宮

漢未央長樂甘泉四面皆有公車司馬門九言司馬者宮垣之內兵衛所在司馬主武事故宮之外門為司馬門按漢宮衛令諸出入殿門公車司馬門者皆下不如令罰金四兩王莽改公車司馬門曰王路四門分命諫大夫四人受章疏以通下情

鈞弋宮三輔黃圖曰在城外漢武故事曰在直門南也列傳曰鈞弋夫人姓趙河間人少好酒卧病六年右手鈞拳飲食少望氣者云東北有貴人推而得之見召姿色佳麗武帝反其手得玉鈞面手尋辰有寵生昭帝姪

娠十四月上曰聞者堯十四月而生鉤弋亦然乃命所  
生門曰堯母門所居宮曰鉤弋宮自夫人加號好及得  
罪掖庭獄死及殯屍香一月昭帝即位追尊皇太后更  
葬之發六十二萬人葬雲陵其棺觀但有彩履王褒雲陽  
記鉤弋夫人從至甘泉卒屍香聞十里葬雲陽起雲陵  
扶荔宮在上林苑中漢武帝元鼎六年破南越起扶荔宮  
以植所得奇草異木菖蒲百本山薑十本甘蕉十二本  
留求子十本桂百本密香指甲花百本龍眼荔枝檳榔  
橄欖千歲子柑橘皆百本土木南北異歲時多枯瘁  
荔枝自交趾移植百株于庭無生者連年猶移植不息  
後數歲偶三二株稍茂終無華實帝亦矜惜之一旦萎  
死守吏坐誅者數十人遂不復蒔矣其實則歲貢郵傳  
者疲斃於道極為生民之患至漢安帝時交趾郡守特

陳其弊遂罷貢

五柞宮漢之離宮也在扶風整屋宮中有五柞樹皆連抱

上覆蔭數畝因以為名

長楊宮秦之宮也在上林苑中漢書云整屋縣宣帝幸長

楊宮屬玉觀成帝元延二年幸長楊宮有長楊千株以

為名

長信宮漢太后常居之按通鑑記太后成帝母也后宮在

西秋之象也秋主信故宮皆以長信長秋為名

長門宮離宮在長安城孝武陳皇后得寵頗妬居長門宮

宜春宮本秦之離宮在長安東南杜縣近下杜城

鼎湖宮在湖城縣界昔黃帝採首陽山銅以鑄鼎其鼎成

有龍下迎帝仙去小臣攀龍髯而上者七十二人漢武

帝於此建鼎湖宮

步壽宮秦亦有步壽宮漢步壽宮在祿相縣宣帝神爵三年鳳皇集處得王寶乃起步壽宮

回中宮史記秦始皇二十九年地隴西過回中漢書武帝十四年幸回中建王母祠

首山宮漢武帝元封元年封禪後夢高祖生明堂朝羣臣於是祀高祖於明堂以配天還作首山宮

萬歲宮武帝造元康四年幸萬歲宮有神爵集以神爵紀元明光宮漢武帝求仙起明光宮發燕趙美女二千人充之率取二十以下十五以上年滿三十者出嫁之掖庭令總其籍時有死出者隨補之

殿

麒麟殿在未央宮漢書帝燕董賢父子於麒麟殿哀帝視賢曰吾欲法堯禪舜如何王閔曰天下乃高皇帝天下

非陛下之天下陛下奉承宗廟當傳之無窮安可妄有  
所授帝業至重天子無戲言上默然不悅

金華殿在未央宮漢書曰武帝初方向學鄭寬中張禹朝

夕入詔尚書論語於金華殿中

承明殿在未央宮中承明殿著述之所也西都賦序云

內有承明著作之庭漢書謂帝謂嚴助曰君厭承明之  
虛成帝鴻嘉二年有雉集承明殿

椒房殿在未央宮中以椒和塗塗壁取其溫而芬芳武帝

時後宮八區有昭陽飛翔增成合歡蘭林披香鳳皇鴛

鴦成帝趙皇后居昭陽號飛鸞班婕妤居增成

高門殿漢書汲黯請見於高明哀帝時鮑宣諫曰陛下擢

臣巖穴誠冀有益毫毛豈欲臣美食太官重高門之地

在未央宮中

奇華殿在建章宮旁漢書六四海夷狄器服珍寶大浣布切玉刀巨象獅子宮馬充塞其中

臨華殿在長樂宮中前殿後武帝造漢書成帝永始四年

長樂宮臨華殿災

清涼殿在未央宮中夏居之清涼亦曰延清室漢書清室則中夏舍霜即此也董偃常卧延清之室以畫石為牀以紫玉為盤如屈龍皆用雜寶飾之侍者於外扇偃偃曰玉石豈須扇而後涼邪又以水晶為盤貯冰於膝前玉晶與冰同絮侍者謂冰無盤必融濕席乃拂玉盤墜冰玉俱碎玉晶千塗國所貢也武帝賜偃惜哉

猗蘭殿在未央宮中漢武帝故事曰王美人七月七日旦生武帝於猗蘭殿洞冥記武帝未生之時景帝夢一赤晁從雲中直下崇芳閣帝覺而坐於閣果見赤氣如林

水榭戶牖望閣上有丹霞翁鬱既而遊改崇芳閣為猗

蘭殿

白虎殿在未央宮中漢書曰河平四年單于來朝引見白

虎殿丞相商坐未央庭中單于前拜謁商又杜欽詣白

虎殿對策成帝時趙思王行來朝供張白虎殿

玉堂殿在未央宮中漢書楊雄歷金門上玉堂晉灼曰三

輔贊圖有大玉堂小玉堂殿李尋曰久汙玉堂

大夏殿三輔故事秦作銅人立在阿房殿前漢徙於長樂

宮大夏殿前

飛羽殿

敬法殿

曲臺殿

宴昵殿

長年殿

神仙殿

飛翔殿

合歡殿

蘭林殿

拔香殿

鳳皇殿

鴛鴦殿

含章殿

朱雀殿

安處殿

常寧殿

茝若殿

發越殿

蕙草殿

壽成殿

萬歲殿

廣明殿

永延殿

壽安殿

宣德殿

東明殿

通光殿

高明殿

四車殿

朱鳥殿

龍興殿

已上殿俱在未央宮中

室庭

宣室未央宮前殿正室也淮南子曰武王殺紂於室漢取舊名也漢書文帝受釐宣室夜半前席門賈生鬼神之  
事即此也又王莽地皇四年少年子弟張魯等燒宮莽  
避宣室前殿火隨之

溫室武帝建在未央宮冬處之溫煖也西京雜記曰溫室  
以椒塗壁被之文繡香桂為柱設火齊屏風鴻羽帳  
地以罽賓氍毹孔光為尚書令歸休與兄弟妻子燕語  
朝省政事或問溫室省中對何木光不應  
掖庭漢宮儀曰境好以下皆居掖庭西京雜記漢掖庭有



雲光殿九華殿開襟閣月景臺雜記曰漢綵女常以七月七日夜穿七孔針皆繁華竊窵之所棲宿又有鳴鵲殿開襟閣

後漢

宮

獻帝宮在長安故城中本京兆府舍也帝王世記曰獻帝時開中兵起相國董卓欲遷西都遂至長安幸未央宮初長安遭赤眉之亂宮室燒盡唯有高廟及京兆府解故中尉所治也

晉

殿

太極殿周地圖記曰太極殿晉愍帝之宮太極殿之南門乃姚興所建

前後秦

紫極殿武成二年正月癸丑朔明帝大會羣臣于紫極殿

周地圖記曰乾安殿周改曰紫極殿

天興宮大衆元年十二月詔金入南斗木犯軒轅宣帝將避正寢齋居克念於是舍仗衛往天興宮百官表勸復寢膳許之

天德殿大象二年五月宣帝崩于天德殿

露門北史曰元年春正月孝閔帝即位柴燎告天朝百官於露門建德三年正月武帝朝羣臣於露門

唐

宮城

宮城東西四里南北二里二百七十步周十三里一百八十步其崇三丈五尺南抵里城北抵苑東即東宮西有掖庭宮

西內宮殿

西內宮城南面六門當正殿南曰承天門隋開皇二年作唐武德元年改順天門承天門東曰長樂門次曰廣運門次東重明門次東永春門承天門西曰永安門若元正冬至大陳設宴會赦過宥罪萬國之朝貢四夷之賓客則御承天門以聽政東面一門曰鳳皇門西面二門南曰通明門北曰嘉猷門北面三門正北曰玄武門次東曰安禮門東宮北門曰玄德門當承天門內其北曰太極門本隋大興門唐改為太極門

太極殿西內正殿也乃隋之大興殿唐武德元年改為太極殿朔望則坐而視朝焉東有東上閣西有西上閣蓋古之中朝也太極門正南承天門左延明東南門下省右延明門西南中書省弘文館在門下省東史館在門下省北貞觀三年置秘書內省以修國史

兩儀殿在太極殿後隋之中華殿貞觀五年改為兩儀殿  
常日曉政而視事蓋古之內朝也

千秋殿在兩儀殿西獻春門在兩儀殿之左宜秋門在兩  
儀殿右百福門在宜春門之右

百福殿宣宗時神策軍奏百福殿成賜名曰雍和殿會諸  
王子孫百福殿承慶門內

甘露殿在兩儀殿北門外有東西永巷東出有東橫門又  
東有日華門西出有西橫門又西有月華門殿院北有  
東西千步廊舍東至宮城西至掖庭宮明皇自蜀回還  
居西內甘露殿東有武德殿延恩殿萬春殿千秋殿承  
恩殿立政殿大吉殿

凝陰殿在紫雲閣西異聞集曰天寶七載秦中旱明皇於  
此令葉法善祠鏡龍遂得甘雨

承香殿在延嘉殿北西有昭慶殿長樂殿景福殿神龍殿

安仁殿淑景殿延嘉殿咸池殿鶴羽殿

弘文殿貞觀初於弘文殿收貯圖書二十餘萬卷虞世南

選充直殿

觀德殿在玄武北門外侯君集平高昌國傳其君臣獻于

觀德殿

嘉壽殿太宗宴突厥賀魯於嘉壽殿

紫微殿貞觀末阿史那社爾平龜茲獻俘於紫微殿又有

興仁宣猷崇道惠訓昭德正禮宣光通福光昭華光暉

儀壽安綏福等門內又薰風就日翔風臨照望仙乘龍

等殿

雍和殿懿宗幸雍和殿飛龍殿驥德殿又於興德殿以會

諸王及王子王孫等賜宴

大安宮宮殿

大安宮太宗初居承乾殿武德五年高祖以秦王有克定天下之功特降殊禮別建此宮以居之號弘義宮八年帝臨幸朕以秦王有大功故於宮中立山林勝景雅好之至貞觀三年徙居之在宮城之西馬周傳伏觀大安宮城宮之西其墻宮闕之制尚為卑小東宮皇太子之宅猶處城中大安宮至尊所居更在城外臣願營築雉堞修起門樓務從高顯以稱萬方之望

垂拱前殿高祖崩于大安宮垂拱前殿

戢武殿太宗與公卿謁高祖於戢武殿

文殿貞觀七年四月宴王公親屬於文殿酒闌徒翠華殿翠華殿在大安宮東北垣上遺址尚存俗云祭酒臺

掖庭宮宮殿

掖遶宮在宮城東西四里即皇城西北抵苑西即掖庭宮西  
京記及六典皇城東西五里百一十五步今除宮城四  
里外即是掖庭宮東西廣一里一百一十五步大安宮  
東西里數同  
掖庭西門貞觀二年左丞戴胄於掖庭房西門簡宮人出  
之今皇城内亦有掖庭街

### 東宮

東宮正殿曰明德殿本名嘉德殿東內廊左嘉善門西內  
廊有右嘉善門按高祖傳位太宗即位於明德殿  
崇教殿在明德殿北宮內殿也本名弘教長安二年改為

### 崇教殿

麗正殿在崇教殿之北高宗降誕此殿開元初詔此繕寫  
古今圖書統記開元中改為集賢殿

光大殿在麗正殿北明皇始詔沙門一行禪師於光大殿撰大衍曆後徙就麗正殿

承恩殿在光大殿院內明皇居春宮造開元八年勅一行

禪師於院內注易

宜春北院譚賓錄天寶中玄宗命宮女數百又為梨園弟子皆居宜春北院

### 東內宮殿

東內大明宮在禁苑之東南接京城之北面西接宮城之東北偶貞觀八年置永安宮九年曰大明宮以備太上皇清暑百官獻貲以助役龍朔二年大加興葺曰蓬萊宮咸亨元年曰含元宮長安元年復曰大明宮初高宗染風痺以宮內秋濕屋宇擁蔽乃此置宮司農少卿梁孝仁克使制造北據高原南望爽塏每清天霽景視終



南山如指掌宮城坊市俯而窺焉其宮南北五里東西三里南面五門正南曰丹鳳門東曰望仙門次東曰延政門丹鳳門西曰建福門門外百官待漏院次西曰興安門東面一門曰太和南面一門曰日營北面一門曰玄武舍元殿丹鳳門內當中正殿階高於平地四十餘尺南至丹鳳門四百餘步中無間隔左右寬平東西廣五百步東南有翔鸞閣西南有栖鳳閣與殿飛廊相接又有鐘樓鼓樓殿左右有砌道盤上謂之龍尾道夾道東有通乾門西有觀象門閣下即朝堂肺石一如承天之制又有金吾左右仗院

宣政殿東有東上閣門西有西上閣門即正衙殿也殿前東廊曰日華門殿前西廊曰月華門

紫宸殿在宣政殿北紫宸門內即內衙之正殿也肅宗乃

崩于紫宸殿

蓬萊殿在紫宸北敬宗時蓬萊殿會沙門道士四百餘人

賜食給茶絹

延英殿肅宗時梁上生玉芝一莖三葉苗晉卿相代宗時  
年老蹇甚乞間日入政事堂帝憂之聽入閣不趨後改

靈芝殿

長安殿在金鸞殿之西南肅宗收京師作新九廟主於長  
安殿安置至德二載收復京城宮省門有安字者改之

為長樂殿

金鸞殿在金鸞門裏順宗召學士鄭絪至金鸞殿立憲宗  
為皇子

宣和殿敬宗宴三日於宣和殿又寶曆二年御宣和殿對  
內人親屬一千五百人賜宴仍各賜錦綵

延英殿相對有思政殿含涼殿綾綺殿珠鏡殿還周殿承

權殿仙居殿

麒麟殿

殿在仙居殿之西北東南西南皆有殿閣東西皆有

樓相連各有障日閣內宴多於此殿又有大福殿拾翠

殿三清殿含冰殿凝霜殿紫蘭殿玄武殿明義殿承雲

殿修文等殿又有碧羽紫簫承雲修文等閣又有翰林

門內有翰林院至德以後軍國務繁其入直者以文詞

共掌詔勅自此翰林院始無學士之名其後置東翰

林院於金鸞殿之西隨上所在而遷取其便

玉清殿德宗義章公主薨於大明宮玉清殿

清思殿穆宗崩于大明宮清思殿

長生殿肅宗崩于大明宮長生殿

會靈殿德宗崩于大明宮會靈殿

南內宮殿

南內興慶宮距外郭城東垣武后大足元年睿宗在藩賜五王子宅明皇始居之宅臨木池望氣者云此池有天子氣故數宴遊上已泛舟以厭之南街東出春明門開元二十二年置宮因本坊為名十四年又取永嘉坊勝業坊之半增廣之謂之南內宮之正門西向曰興慶門南曰通陽門北曰躍龍門西南隅曰勤政務本樓南向開元八年每歲中秋節醺飲于樓前其西曰花萼相輝樓玄宗憲申三攜岐王範薛王業邸第相望環於宮側明皇因題花萼相輝之名帝時登樓聞諸王音樂咸召升樓同榻宴謠

興慶殿在通陽門北即正衙殿也其後曰文泰殿天寶十年作前有瀛洲門內有南薰殿北有龍池在躍龍門南

本是平地自垂拱後因雨水流潦成小池後又引龍首渠水支分溉之日以滋廣至景龍中彌亘數頃澄澹皎潔深里數丈常有雲氣或有黃龍出其中本以坊名池俗亦呼為五王子池置宮後謂之龍池拾遺蔡孚作龍池篇以讚其事公卿多和之後為景龍池今俗語訛呼為九龍池

大同殿在勤政樓北大同門內殿前左右有鐘樓鼓樓天寶七載大同殿柱產玉芝有神光殿太和三年修宮殿疏曰大同殿十三間

長慶殿在通陽門東明義門內唐雜說曰明皇為太上皇居興慶宮每置酒長慶樓南俯大道裴回觀覽續慶殿唐雜記蕭太后徙居興慶宮續慶殿中書門下奏准義安殿太后故事號續慶皇太后

義安殿敬宗母王太后居義安殿

冷井殿懿安郭太后崩于是殿又有新射飛僊同光榮光等殿其內有龍堂五龍壇沉香亭金花落在此東

隋唐

雜宮

僊遊宮在盩厔縣南三十五里舊圖經曰隋文帝於此避暑崇業宮在渭南縣東一十五里隋煬帝大業三年置

甘泉宮長安志隋甘泉宮在鄠縣西南甘谷口

長春宮三輔會要長春宮在朝邑縣梁原上寶定年宇

文護所築隋文帝增修殿宇煬帝大業十三年唐高祖起

義兵自太原赴京師於此休養士卒西定長安

龍躍宮在高陵縣西十四里唐神堯舊宅武德六年以奉

義宮建龍躍宮德宗改為修真觀內有神堯真容御井相室

慶善宮在武功縣南一十八里神堯舊第也太宗降誕之所南臨渭水武德元年建武功宮六年改慶善宮貞觀六年太宗臨幸讌群臣賦詩後廢為慈德寺有詩曰昔時高祖宅今日梵王宮塔聳白雲外僧行綠樹中真容唐列聖墨跡宋坡公半日休心處烹茶話祖風

望賢宮在咸陽東數里唐明皇自蜀還京肅宗至望賢宮迎明皇上馬帝親攬馬行數十步執鞭弭道引明皇入開遠門

華清宮在臨潼縣南貞觀十八年太宗詔左屯衛大將軍姜行本將作少匠閻立德營造殿御湯名湯泉宮太宗因幸製碑咸亨二年名溫泉宮天寶六載改華清宮驪山上下益治陽井池臺殿環列山谷明皇歲幸焉又築會昌羅城即於司所置百司及公卿邸第祿山亂後天

子罕復遊幸唐末圯廢晉天福中改靈泉觀賜道士居之

萬金宮在藍田縣東四十五里開耀二年詔新造涼宮為萬金宮高宗遺詔萬金芳桂奉天等宮並停廢武后詔奉天宮置道士觀芳桂萬金置僧寺以舊宮為名

上清太平宮在藍屋縣東三十里清平鎮宋建隆元年置太平興國二年重修

遊龍宮在渭南縣西一十一里兩京道里記唐皇元二十五年勅兩京行宮遠近不等宜令將作大匠康晉與州縣均融修葺取黑龍飲渭名之有遺址

玉華宮貞觀二十二年於宜君縣鳳凰谷置玉華宮永徽三年縣廢宮亦廢今隸坊州西四十里有故基為佛寺杜詩



云溪回松風長蒼鼠竄古瓦不知何王殿遺構絕壁下  
陰房鬼火青堞道哀鴻渴萬籟真笙字秋色正蕭洒美  
人為黃土況乃粉黛假當時侍金輿故物獨石馬憂來  
藉草坐浩歌汨盈把冉冉征途闊誰是長年者

翠微宮唐餘曰貞觀二十年營大和宮於終南山上改翠  
微宮北門曰雲霞門朝殿曰翠微寢殿曰含風太宗崩  
于含風殿廢為翠微寺詩云翠微寺本翠微宮樓閣亭  
臺幾十重天子不來僧又去樵夫時倒一株松

魚藻宮會要曰魚藻宮去宮城十三里在禁苑神策軍後  
宮中有九曲山池貞元十三年詔魚藻池先深一丈更  
濶四尺穆宗初又發神策六軍二千人浚之又觀競渡  
王建宮詞曰魚藻宮中鎖翠娥先皇幸處不曾過而今  
水底休鋪錦菱角鷓鴣頭積漸多

望春宮長安志望春宮去京城東北一十二里在唐禁苑內高原之上東臨澧水西岸道里記曰隋文帝初置望春亭改為望春宮煬帝改為長樂宮大業初煬帝夜見太子勇領十餘人各持兵器問楊廣何在帝懼之走長樂宮文武宿衛不知乘輿所在比明方移仗此宮煬帝去洛陽終大業不敢都長安

九成宮唐會要曰九成宮在鳳翔麟游山即隋之仁壽宮也貞觀年改九成宮中有醴泉銘碑

太平宮長安志隋太平宮在鄠縣東南三十里對南山太平谷

雲陽宮封禪書所謂谷口是也其山出鐵有冶鑄之利因以為名入谷便洪潦沸騰飛泉激射兩峰皆峭壁孤堅橫盤坳谷凜然凝牙常如八九月朱明盛暑當晝暫暄

涼秋晚候絪袍不暖所謂寒門者也又曰入治谷二十里有百里槐樹樹北有泉名金泉谷中有毛盤監

## 宮林示

### 宮禁

禁中漢宮殿疏云漢宮中謂之禁中謂宮中門門有禁非待衛通籍之臣不得妄入通籍謂出入禁門籍者為二尺竹牒記其年紀名字物色懸宮門按相應乃得入約尾中宮殿疏謂天子出行道中則有儀衛豹尾亦曰禁中省中漢孝元皇后父名禁避之改曰省中出入宮中當省察也

清道舊漢儀謂天子將出苑令道路拊灑清淨出入警蹕鹵簿禮闕新儀鹵簿天子出車駕次第謂之鹵簿有大駕

有法駕有小駕大駕則公卿奉引大將軍參乘太僕卿屬車八十二乘作三行尚書御史乘之脩千乘萬騎

陛下陞由陞堂也天子必有近臣執兵階陞以戒不虞臣下與天子言不敢指斥天子故呼在殿陛下以告之曰陛下

行在天子四海為家不以言師居處為常當乘車輿以行天下車駕所至奏事皆曰行在

署虎威章溝皆署名漢有長水中壘屯騎虎賁越騎射聲胡騎八營宿衛王宮周廬直處

闕周置兩觀以表宮門其上可居登之人臣將朝至此思其所闕

塾門外舍也臣乘朝至門外就舍則熟詳應對塾言熟也掖門在兩傍如人之臂掖也

闐闐宮中小門也

織室未央宮後有織室織作文繡郊廟之服有令丞主之

暴室主掖庭染練之署取暴默為名

內詣者署漢宮儀曰內詣者署在未央宮屬少府漢書云掌宮中步張褻物丁手漢官云全秩千石

屬車屬者言相聯屬而不絕也

金馬門史記曰武帝時相馬者作銅馬法獻之立馬於魯

般門外更名魯般門為金馬門公孫弘待詔於金馬門

武庫漢書曰武庫以藏禁兵

靈金藏漢太上皇佩刀長三尺上有銘字難識傳殷高宗

伐鬼方所作也上皇遊壘沛山中窮谷有人冶鑄何器

工者對曰為天子鑄劔慎勿言曰得公佩刀雜而冶之

即成神器可定天下昂星為輔佐木哀火盛此為異兆

上皇解匕首投爐中劔成殺三牲以饗祭之工即以劔  
授上皇上皇以賜高祖斬白蛇是也及定天下藏於寶  
庫守者見白氣如雲若龍蛇呂后靈金藏惠帝貯兵器  
名曰靈金內府

金龜唐寶錄武后時崔神慶上疏曰五品以上佩魚后改  
為龜恐有詐妄故內出龜合然後應命

作室尚方工作之所

凌室在未央宮周官凌人藏冰供祭祀飲食

弄田遊戲始元元年耕于鉤盾弄田

金錢會開元天寶遺事內庭嬪妃春時禁中結伴擲金錢  
為戲開元別記明皇與妃子在花萼樓下擲金錢以遠  
近為限賽其元擲于地者以金觥為賞今里巷猶效之

類編長安志卷之二

類編長安志卷之三

京兆路儒學教授駱天驥纂集  
開成路儒學教授薛延年校正

圓上郊社 壇附

圖上

漢圖上按三輔黃圖在昆明故渠南有遺址猶高二丈周  
四百二十步

唐圖上按長安志唐長安明德門東南一里有更衣殿基  
又東南一里有圖上高一百二十尺周回三百六十步



分三級十二分野俗呼為埋冢拜郊臺

南北郊

南郊在長城南謂天郊圓丘以象天歲時以奉祭祀成帝  
始奉祀上帝於長安城南  
北郊在長安城北謂北郊方丘以象地歲時以奉祭祀成  
帝始祀后土於長安城北

社稷

漢社稷祭祀志漢除舊社稷立漢社稷其後又立官社以  
配夏禹而不立官稷平帝元始三年始立官稷於官社  
之後

唐太社長安志云在含元門街西南其門額隋平陳時東  
晉王右軍所題隋代重之以粉墨摸之金朝移社壇在  
薦福寺北聖容院前

百神壇

百神靈星三壇長安志云在明德門外南郊左右古跡猶在

青帝先農二壇俱在皇城景風門東二里

黃帝赤帝二壇在明德門外東南圓丘左右

白帝夕月二壇在城西開遠門外

風伯雨師壇在城西金光門南

黑帝壇在城北太倉畔

雷師壇在城北玄武門外

司中司命壇在城西北開遠門外

明堂辟雍

太學附

明堂

周明堂援神契曰明堂所以正四時出教化天子布政之宮

也黃帝曰合宮堯曰衡室舜曰總章夏后曰世室殷人曰陽館周人曰明堂先儒舊說其制不同或曰明堂在國之陽大戴禮云九室室有四戶八牖凡三十六戶七十二牖以茅蓋屋上圓一方八窓四牖考工記云明堂五室稱九室者取象陽數也八牖者陰數也取象八風三十六牖取六甲之爻六六三十六也上圓象天下方象地八牖即牖也四間者象四時四方也五室者象五行也皆無明文先儒以意釋之耳禮記明堂位曰朝諸侯于明堂之位天子負斧依南鄉而立明堂也者明諸侯之尊卑也制禮作樂頒度量而天下服知明堂是布政之宮也孝經云宗祀文王於明堂以配上帝則周有明堂者明矣

漢明堂三輔黃圖云在長安西南七里漢書武帝初即位

嚮儒術以文學為本議立明堂於城南以朝諸侯應劭云漢帝造明堂王莽修飾令大武帝元年議立明堂遣使者安車蒲輪束帛加璧徵魯申公欲治明堂以奉高帝

辟雍

周辟雍三輔會要云在長安西北四十里澧河岸上璧廡如壁之圓雍之以水象教化流行也詩云於論鼓鐘於樂辟雍毛萇注云論思也水旋丘如璧廡以節觀者鄭玄注云文王立靈臺而知人之歸附作靈沼靈囿而知鳥獸之得其所以為音聲之道與政通故合樂以詳之漢辟雍在長安西七里河間獻王來朝獻雅樂武帝對之三雍宮即此禮樂志成帝時徙為郡水濱得古磬一十六枚劉向說帝宜興辟雍焉

大學附

漢太學漢書云在長安西北七里王莽作宰衡時作大學  
弟子舍萬區起市郭上林苑中其門東出修仁之門南  
出興禮之門西出守義之門董仲舒策曰太學賢士之  
關教化之本原也關中記曰漢太學明堂皆在城南安  
門之東杜門之西

唐太學按長安志唐太學國子監貞觀四年立在務本坊  
領國子太學四門書律算六學監內有孔子廟巢寇亂  
皆為灰燼獨國子監石經存焉許公韓建移遷石經於  
府城今府學中有焉

## 苑園池臺

榭附

苑園

周

靈囿周文王囿也在長安西四十五里澧水西詩云王在  
靈囿麋鹿攸伏麋鹿濯濯白鳥羣羣毛萇注囿所以域  
養禽獸天子百里諸侯四十里靈者言文王有靈德也  
靈囿言德行於苑囿也孟子曰文王之囿方七十里芻  
蕘者往焉雉兔者往焉與民同其利民以為小也

漢

上林苑漢書武帝建元三年開上林苑本秦之離宮舊苑  
也東至藍田宜春鼎湖御宿昆吾旁南山而西長陽五  
柞北繞黃山頻渭而東周表三百里離宮七十所皆容  
千乘萬騎漢宮殿疏云方三百四十里漢舊儀云上林  
苑方三百里苑中養百獸天子秋冬射獵取之帝初修上  
林苑羣臣遠方各獻名果異卉三千餘種植其中亦有  
製為美名以標奇異關中記曰上林苑門十二中有

苑三十六宮十二觀二十五長楊宮昭臺儲元葡萄酒大  
臺承光卷陽望庭宣曲鼎湖步高存神等宮有昆明觀  
平樂遠望界觀象便門白虎三爵陽祿陰德鼎郊櫟木  
椒唐魚鳥元華南觀松觀上蘭即池當路豫章明光走  
狗博望象觀舊儀曰上林苑有令有尉禽獸簿記其名  
數上林苑中禽獸官館之事屬水衡苑中有六池市郭  
宮殿魚臺犬臺獸園又有射熊館平樂館啄木館建章  
館當路館鹿館又有東陂池西陂池即池牛首池蒯池  
當路池康池積草池又有龍臺觀細柳觀飛廉觀屬玉  
觀白鶴觀霸城觀雲林觀集靈觀臨山  
甘泉苑漢書武帝置因甘泉山名在雲陽去長安三百里  
凡周回五百一十里苑中起宮殿臺閣百餘所有仙人  
觀鳩鵲觀石闕觀封巒觀通仙觀通矢臺臺上望見安

思賢苑漢文帝為太子立思賢苑以招賓客苑中有堂室  
六所甚館皆廣廡高軒屏風幃帳甚麗

博望苑漢武帝立子據為太子開博望苑以通賓客漢書  
武帝年二十九乃得太子甚喜太子冠為立博望苑以  
通賓客從其所好博望苑在長安城南五里

西郊苑漢書西郊苑有苑園林麓藪澤達亘縹以周垣四百  
餘里餘宮別館三百餘所

樂遊苑宣帝神爵三年春起在長安東南杜陵之西北本  
秦之宜春苑也宣帝起樂遊廟因苑為名在唐京城內  
高處已正月晦日上巳重九京城士女咸以此登賞祓  
禊任氏鄭生相遇之地也

御宿苑武帝置離宮別館禁禦人不得入往來遊觀上宿  
其中故曰御宿苑在長安城南御宿川



宜春下苑孟康注曰宮名也在杜陵縣師古曰宜春下苑

即今京城東南隅曲江池是也

三十六苑漢儀注大僕牧師諸苑三十六所分布北邊西邊以即為苑監官官奴婢三萬人養馬十萬匹養鳥獸者通名為苑故謂之牧馬處為苑

唐

禁苑按唐書在宮城之北本隋之大興苑東西二十七里南北三十三里東接灊水西接長安故城南連京城北枕渭水苑西即太倉又北距中渭橋與長安故城相接故城東西十三里南北十三里亦隸苑中其苑中有四監南面為長樂監北面以領漢故城謂之舊宅監東西面各以本方為名分掌宮中種植及修葺園苑等事又置苑總監都統之皆隸司農寺苑中宮亭凡二十四所南

面三門中曰景曜門東曰芳林門西曰光化門東面二門南曰光泰門北曰昭遠門西面二門南曰延秋門北曰玄武門北面三門中曰啟運門東曰內苑門西曰重玄門其東曰東雲龍門其西曰西雲龍門苑內有南望春亭北望春亭坡頭亭柳園亭月坡亭又有青鱗橋栖雲橋凝碧橋上陽橋廣運潭九曲宮魚沼宮神筆亭七架亭青門亭桃園亭臨清亭咸宜宮未

央宮南昌國亭北昌國亭流杯亭明水園

內苑唐書云在玄武門外北至重玄門約二里東西與宮城齊中有觀德殿在重玄門外之北永徽三年大射觀德殿又永安殿穆宗御新城永安殿觀百戲東西外垣門曰日營門月營門其北重玄門舊園內苑南直抵玄武門北直魚糧門苑之正北門也

東內苑南北三里與大明宮城齊南即延政門北即銀臺門東即太和門中有龍首殿又有凝暉殿會昌殿含光殿昭德殿光啟宮雲韶院中有蓬萊殿凝碧池梨園櫻桃園東西葡萄園又有龍首池靈符池應聖院內園小兒坊仗內教坊舊圖云旁有看樂殿東下馬橋東頭御馬坊

芙蓉苑在曲江之西南乃秦宜春苑地杜詩城上春雲覆苑牆芙蓉別殿謾焚香又曰江上小堂巢翡翠苑邊高塚卧麒麟又曰六龍南下芙蓉苑十里飄香入夾城沙苑李吉甫郡國圖沙苑一名沙阜在同州馮翊縣南十二里東西八十里南北三十里內有牧馬監牛畜卧沙小耳羊蒲萄園桃杏園梨園木瓜石榴異果至今不絕

道會苑後周大和二年三月改武遊園為道會苑建德二年集諸軍都督於道會苑大射武帝親臨射堂大備軍容宣政元年十一月宣帝講武於道會苑又大象元年四月幸道會苑大獵

池沼

周

流池圖經注曰在長安城西四十里詩云流池北流浸彼稻田鄭玄注在澧鎬之間水北流

靈沼按舊圖記在長安城西四十里澧水之西真花碓北今為水泊詩云王在靈沼於物魚躍

漢

昆明池按舊圖記云在長安縣豐邑鄉鵲鵲庄周回四十里武帝元狩九年欲伐昆明國穿池以習水戰因名昆明

池三輔舊事昆明池地三百二十頃中有戈舟各數十  
樓船百艘舡上建戈矛四角垂幡旄麾蓋池中作豫章  
大舡可載萬人上起宮室以為遊戲養魚以給諸陵祭  
祀餘付長安厨又刻鯨魚長三丈每風雷常鳴吼鼉尾  
皆動立石牽牛織女於池之東西以象天漢池中有龍  
首舡帝御張鳳蓋建華旗作擢歌雜以鼓吹宮女泛舟  
初穿池得灰上問西域胡人曰乃劫燒餘之灰也今為民田  
太液池圖輔記長安故城西建章宮北有太液池以象北  
海刻石鯨魚長三大池中起三山以象蓬萊瀛洲方丈  
刻金石為魚龍鳥獸奇怪之狀廟記云太液池周四十  
頃昭帝元始元年春黃鵠下太液池成帝常以秋日與  
趙飛燕戲於太液池以沙棠木為舡以雲母飾於鸛首  
名曰雲母舟又刻大桐木為虬龍雕飾如真夾雲舟而

行以紫桂為施榭及觀雲棹水玩撚菱葉帝每憂輕蕩以驚飛燕命吹飛之士以金鎖纜雲舟於波上每輕風時至飛燕殆欲隨風入水帝以翠纓結飛燕之裾今太液池邊尚有避風臺

鎬池水經注在昆明池北三里廟記曰鎬池即周武王之故都鎬京也武帝穿昆明池水北流浸鎬京之地而為池故曰鎬池也

百子池在建章宮西歲時記正月上辰池邊濯濯食蓬餌以祓邪三月上巳張樂於池上七月七日臨百子池作于闐樂樂闌以五色縷相羈謂之連鰲八月四日出雕房下園基勝者終年有福負者終年疾病求北辰乃免影娥池在建章宮武帝鑿以翫月其傍起望鵲臺以眺月影入池中使宮人乘舟弄月影又起眺蟾臺

琳池昭帝元始元年穿琳池廣十步池南起桂臺以望遠引太液池水池中植分枝荷一莖四葉狀如駢蓋日照則葉低蔭根莖若葵之衛足名曰低光荷實如玄珠可以飾佩花葉雖萎芬馥之氣微十餘里食之令人口氣常香益脉治病宮人貴之每遊宴必含嚼之

滄池在長安城中舊圖云未央宮有滄池言其水蒼色故曰滄池

酒池廟記曰長安故城中有魚池酒池池上有肉炙樹秦始皇造漢武帝於池北起臺天子於上觀牛飲者三千人又曰武帝作此以誇羗胡飲以鐵杯重不能舉皆抵牛飲西征賦云酒池監於商辛追覆車而不悟也

十池上林苑中有初池康池牛首池蒯池積草池東陂池當路池大臺池卽池外池蒯池生蒯草以織席積草池

有珊瑚樹高一丈二尺一本三柯上有四百六十二條  
南越王趙佗所獻號為烽火樹至夜光明煥然

唐

太液池宮殿儀曰在大明宮含涼殿周十數頃池中有蓮  
菜山新絕上自然有奇草異卉魚鳥所集虛多遜應制  
詩分得夢子兒韻詩曰太液池邊看月時好風吹動萬  
年枝誰家寶鏡新開匣一本作玉匣露出清光夢子兒  
凝碧池在東內苑祿山陷玉匣新門引梨園弟子數百人大會凝  
碧池樂工雷海清擲樂器於地西向哭被賊支解而死  
時王右丞為賊拘于僧寺乃賦詩曰萬戶傷心生野煙  
百官何日再朝天秋槐葉落深宮裏凝碧池頭奏管絃  
書于壁賦平維以詩免罪

興慶池景龍文館記在隆慶坊本是平地垂拱後因雨水



流潦成小池近五王宅號為五王子池後因分龍首渠  
水灌之以滋廣至景龍中調亘數頃澄泓皎潔有雲  
氣或見黃龍出其中其興慶宮後謂之龍池拾遺蔡孚  
作龍池篇以贊其事公卿多和之改為景龍池語說為  
九龍池明皇雜錄取洞庭湖鯽魚養於池以為饋日以  
遊宴杜甫詩三月三日天氣新長安水邊多麗人祿山  
陷長安天子幸蜀成事遂寢  
新說曰興慶宮經巢冠五代至宋湮滅盡靜唯有一池至  
金國張金紫於池北修衆樂堂流杯亭以為賓客遊宴  
之所刻畫樓舡上已重九京城仕女修楔宴燕歲以為  
常正大辛卯東遷後遂為陸田兵後為水區蔬圃庚子  
歲復以龍首渠水灌之鯽魚復生舊說有于歲魚子信  
不誣矣

九曲池在興慶池西唐宣王山池院引興慶池水西流疏鑿屈曲連環為九曲池築土為基疊石為山土植松栢有落猿巖栖龍岫奇石異木珍禽怪獸畢有又有鶴洲全渚殿宇相連前列二亭右滄浪右臨漪王與宮人賓客宴飲弋釣其中祿山亂後有人題詩曰數座假山侵殿宇九池春水浸樓臺羣花不識興亡事猶倚朱欄取次開

定昆池本安樂公主西庄也在京城延平門外景龍初命司農卿趙履溫為公主疏園植果中列臺榭憑官架迴棟宇相屬又勅將作少監楊務廉引水鑿沼延十數頃時號定昆池通輿曰安樂公主恃寵請昆明也中宗不與公主怒自以家財別穿池號曰定昆景龍中宗幸焉侍臣畢從賦詩御為之序宗楚客詩曰玉樓銀榜枕嚴

成翠蓋紅旗列禁營日映層巖圓盡色風搖雜珮管絃  
聲水邊重閣如飛連雲裏孤峯類削成幸陪七葉遊昆  
浪無勞萬里訪蓬瀛

魚藻池深一丈在城北禁苑中真元十三年詔更陶四尺  
引灞河天濤水漲之在魚藻宮後穆宗以觀競渡王建  
宮詢曰魚藻池邊射鴨芙蓉園裏看花日色赭黃相似  
不使紅塵扇遮

曲江池在鴈塔東南以水流屈曲謂之曲江劇談錄本秦之  
隍州唐開元中疏鑿為勝境中和上巳自宰臣至都人  
皆遊焉傾動皇州以為盛觀歐陽詹曲江記其畧曰苑  
之沼囿之池力壑而成則多天然而有則寡茲池者其  
天然歟循原北峙回岡旁轉圓環四匝中成坎窞寥廓  
港洞生泉喻源東西三里近當大邑別卜繚垣空山定

樂曠野之泐然黃河作其左湫清渭為其後洳褒斜右  
走太一南橫崇山濬川鈎結盤護不南不北湛然中停  
又導其流蕩惡舍和厚生蠲疾涵虛靈景氣象澄鮮延  
懽滌慮有棲神靈有之功焉杜甫詩曰少陵野老吞聲  
哭春日潛行曲江曲江頭宮殿鎖千門細柳新蒲為誰  
綠文宗時曲江宮殿十廢之九帝讀甫詩慨然有意復  
昇平事發左右神策三千人淘曲江修紫雲樓綠霞亭  
內出三額左軍仇士良以百戲迎之帝御日華門觀之  
仍勅諸司如有創亭館者官給與閑地任修造又引黃  
渠水以漲之羅隱曲江春感詩曰江頭日暖花又開江  
東行客心悠哉高陽酒徒半零落終南山色空崔嵬聖  
代也知無弃物侯門未必用非才滿缸明月一竿竹家  
在五湖歸去來又韓退之詩曰漠漠輕陰曉自開青天

白日映樓臺曲江水滿花千樹有底忙時不肯來昭宗東遷宮殿掃地盡矣俗說舊有漢武泉農民以大石塞其竇而捍之土泉遂不流積雨後池中自有水若導黃渠流之曲江之景亦可漸復矣

龍首池在東內苑支分龍首渠水自長樂坡西北流入苑中灌龍首池

靈符池會昌元年造在龍首池西北水又西北流入太液鵝池在長安城西本定昆池後乾涸為民田今其地為軍寨曰鵝池寨本是涸池

靈池長安志在渭南縣東南二十五里後魏永熙元年水自湧出因而成池周八十步

臺榭

上古

倉頡造書臺長安志曰長安縣西宮張村三會寺中有臺  
乃倉頡造書臺詩云釋子談經處軒臣造字臺

周

靈臺關中記云在長安西北四十里詩云經始靈臺經之  
營之庶民攷之不日成之詩序曰靈臺民始附也文王  
受命而人樂其有靈德以及鳥獸昆虫焉鄭玄曰天子  
有靈臺者所以觀禋象祭氣之祚祥也文王受命而作  
邑於豐立靈臺正義靈臺所處在國之西郊劉向新序  
曰周文王作靈臺及為池沼掘地得死人之骨吏以聞  
於大王大王曰更葬之吏曰此無主矣文王曰有天下  
者天下之主也有一國者一國之主也寡人固其主也  
又安求主遂令吏以衣棺更葬之天下聞之皆曰文王  
賢矣澤及朽骨又況於人乎水經注曰豐水北經靈臺

西文王又引水為辟雍靈沼括地志曰今悉無復處所  
唯靈臺孤立今案臺高二大周回百二十步

老子說經臺新說曰在樓觀南三里樓觀內傳云說經臺  
又曰昇天臺老君傳道既畢於宅南小阜上乘雲駕景  
昇入太微華陽子錄記秦始皇好神仙於此建老子廟  
晉惠帝元康五年重修蔣水萬林南北連亘七里給戶  
三百供灑掃隋文帝開皇元年復修金末荒廢  
大元至元中增修構殿建碑倍加嗜昔

漢

鴻臺漢書惠帝四年三月長樂宮鴻臺災三輔黃圖曰長  
樂宮有鴻臺

漸臺漢書曰文帝夢上天不能有一黃頭郎推上覺而之  
漸臺以夢中陰目求推者郎見鄧通師古曰未央殿西

南有蒼池池中有漸臺又王莽為元后置酒未央宮漸臺大縱衆樂關中記曰未央宮中有蒼池池中有漸臺王莽死於是也括地志曰既云就車而之漸臺與未央建章複道相屬但漢兵既迫不應駕車踰城此即非建章之漸臺矣然則未央建章似各有漸臺非一析也

栢梁臺漢書曰武帝元鼎元年春起服虔曰用百頭梁作臺因名焉師古曰三輔舊事云以香栢為之今書字皆作栢服說非漢武故事曰以香栢為之香聞數十里郊祀志曰武帝鑄栢梁銅柱五行志曰太初元年十一月乙酉未央宮栢梁臺災先是大風發其屋夏侯始昌先言其災日廟記曰栢梁臺漢武帝造在北闕內道西三秦記曰栢梁臺上有銅鳳名鳳闕漢武帝集武帝作栢梁臺詔羣臣二千石有能為七言者乃得上坐帝曰日



月星辰和四時梁王曰驂駕駟馬從梁來大司馬曰郡國士馬羽林才丞相曰惣領天下誠難治大將軍曰和撫四夷不易哉御史大夫曰刀筆之吏臣執之太常曰撞鐘擊鼓聲中詩宗正曰宗室廣大日益滋衛尉曰周御交戟禁不時光祿勳曰惣領從官栢梁臺廷尉曰平理請讞決嫌疑太僕曰修飾與馬待駕來大鴻臚曰郡國吏功差次之少府曰乘與御物王治之司農曰陳粟方石揚其箕執金吾曰徼道宮下隨詩治左馮翊曰三輔盜賊天下尤右扶風曰盜阻南山為民災京兆尹曰外家公主不可治詹事曰椒房率吏領其財與屬國曰蠻夷朝貢常會期大匠曰柱柱薄樞相枝持太官令曰枇杷橘栗桃李梅上林令曰走狗逐兔張置罟郭舍人曰鬻妃女屠甘如飴東方朔曰迫窘詰屈幾窮哉

蘭臺漢書百官表御史中丞在殿中蘭臺掌圖籍秘書西

京賦曰蘭臺金馬遞宿迭居

京風臺關中記云在建章宮北積木為樓高五十餘丈

露臺漢書文帝於驪山欲起露臺召匠計之費百金帝曰  
百金中人千家之產乃罷

尋真臺漢武帝內傳帝起尋真臺齋至七月七日夜半西  
南如白雲起有項西王母降

通天臺史記公孫卿曰僊人好樓居於是上令長安則作  
蜚廉柱觀甘泉則作益壽延壽觀使卿持節設具而候  
神人乃作通天莖臺置祠具其下將招來神仙之屬於  
是甘泉更置前殿始廣諸宮室夏有芝生殿房內中徐  
廣曰通天莖臺在甘泉漢書曰武帝元封二年作甘泉  
通天臺師古曰言此臺高上通於天漢舊儀曰通天臺

高三十大望雲雨悉在其下去長安二百里望見長安城黃帝已來祭天圖上處武帝祭天上通天臺舞八歲童士三百人置祀祠招僊人祭天已令人升通天臺以候天神天神既下祭所若大流星乃舉烽火而就竹宮望拜神光漢儀注上有承露仙人掌擎玉林承雲表之露元鳳間臺自毀椽桷皆化為龍鳳隨風雨飛去西京賦曰通天眇而竦峙經百常而莖擢上班華以交紛下刻隋其若削關中記曰左右通天臺高三十餘丈祭天時於此候天神下也。

靈臺關中記云在長安西北八里始曰清靈本為候者觀陰陽天地之變更名曰靈臺郭延生述征記曰長安城南有靈臺高十五仞上有渾儀張衡所制又有相風銅鳥千里風至其鳥乃動又有銅表高八尺長一丈三尺

廣尺二寸題云大初四年造

神明臺漢書建章宮有神明臺武帝造上有承露盤有銅  
僊人舒掌捧盤玉杯以承雲表之露以露和玉屑服之  
以求僊道僊人掌大七圍以銅為之魏文帝徙銅盤折  
聲聞數十里

衆藝臺長安志云在掖庭宮宮人教藝之所

闕鷄臺長安記云在長樂宮中又有走狗臺

長楊榭臺上有漢書云在上林苑中天子秋冬校獵命武

士搏射禽獸帝於其上觀焉

祈僊臺三秦記曰坊州橋山有漢武帝祈僊臺高百尺李

欽止題詩云四方禍結與兵連海內空虛在末年謾築

此臺高百尺不知何處有神僊

果臺漢舊志云未央宮中有果臺商臺又有著室臺

通靈臺漢武帝內傳曰鈞弋夫人既殯香聞十餘里帝哀悼疑非常人乃起通靈臺於甘泉常有一青鳥集臺上

往來

望鵲臺三輔故事漢長安建章宮北太液池中有望鵲臺

眺蟻臺

曲臺如淳曰行禮射于曲臺后倉為記故名曰曲臺記漢官大射於曲臺晉灼曰射官也

東山臺三輔故事曰未央宮前有東山臺西山臺鈞臺三輔黃圖又曰未央宮有果臺東山臺西山臺鈞臺廟記曰未央宮有鈞弋臺

後秦

波若臺西征記曰姚興起波若臺作須彌山四面巖嶺重嶂峭崖神禽恠獸靡不畢有僊人佛像變化萬端靈

木嘉草精奇一代無有也

唐

景福臺長安志云在太極宮延嘉殿之西北

祭酒臺長安志云在大安宮之東北垣上基址尚存

望仙臺東觀秦記望仙臺高一百尺勢侵天漢武宗舊記

神策奏修望仙樓及廊舍五百餘間大中八年復命葺

之補闕陳蝦上疏諫遂罷修以為大思院

御史臺御史記曰御史臺門北間取蕭殺就陰之義鄴都

故事御史臺在京城西南龍朔中為東朝憲府元和中

御史臺佛舍火災罰御史李膺俸一月

司天臺地里志云在長安外郭城內東南八里永寧坊乾

元元年改太史監為司天臺渾儀臺高百二十尺前有

太歲廟臺雖摧崩猶高五六十尺

按歌臺在闕雍殿之南臺南臨東綠墻在臨潼縣驪山上  
北樹京兆省衙後有北樹

## 館閣樓觀

館

射羅館秦昭王起在蓋屋

迎風館漢書曰武帝因秦林光宮元封二年復增通天迎

風儲胥露寒

平樂館漢書曰武帝元封六年夏京師民觀角抵于上林

平樂館薛綜注西京賦平樂觀大作樂處

沐館成帝許美人居上林沐沐餘數召入飾室中若舍  
蘭館王莽請元后幸蘭館率皇后列侯夫人桑師古曰漢  
宮闕疏上林苑有蘭觀蒨薰蘭之所

建章館王莽壞徹城西苑中建章承光包陽大臺儲元宮

及平樂當路陽祿館凡十餘所取其材瓦以起九廟師

古曰自建章以下至陽祿皆上林苑中館

鹿館外戚傳成帝許美人在上林鹿館數召入飾室

桂館郊花志長安作飛廉觀桂館

白鶴館元帝初元三年茂陵白鶴館災

雲林館宣帝霍皇后廢處昭臺宮徙雲林館

高靈館漢武故事曰上自封禪後夢高祖坐明堂羣臣亦

夢想於是祀高祖於明堂以配天還作高靈館

昭靈館霍光瑩起二出關禁神道北臨昭靈南出承恩館

服虔曰昭靈承恩皆館名

來賓館前秦符健永和十年西虜乞沒渾邪遣子入侍置

來賓館於平朔門以懷遠人起靈臺於杜門



崇文館本曰崇賢館唐貞觀十三年置後避章懷太子諱改

焉

東史館開元二十五年李林甫奏移於中書省北以舊尚

藥院充館

崇玄館武宗以劉玄靜為崇館學士疏廣成先生入居靈符殿帝就傳法籙初明皇天寶中用尹愔為崇玄館學士自後亂離館宇寢廢至是特詔營創仍置吏鑄印

閣

凌雲閣漢宮殿疏曰凌雲閣秦二世造在咸陽陽與南山

齊

麒麟閣漢書曰蕭何造以藏秘書甘露三年單于來朝上思股肱之美乃圖畫霍光等一十二人霍光第一蘇武第十二張晏曰武帝獲麒麟時作黃圖曰即楊雄校書處

白虎閣三秦記未央宮有白虎有堯閣屬車閣

天祿閣三輔故事云在未央大殿北以藏秘書

石渠閣漢宮殿疏曰在未央殿北以藏秘書圖書甘露中

五經諸儒雜論於石渠閣

曝衣閣漢宮儀云太液池西有武帝曝衣閣每七月七日

宮女出后衣登閣而曝之

澄源閣漢書曰武帝祀太一於終南山太一谷元封五年

澄源池上起澄源閣以避暑

開襟閣雜記曰漢彩女常以七月七日夜穿七孔針於開

襟閣俱以習之在未央宮中

重陽閣三輔會要後周明帝武成二年二月造重陽閣於

紫極殿後

凌煙閣隋唐嘉話凌煙閣在太極殿東貞觀十七年太宗

於閣上圖畫太原幕府及功臣之像二十四人太宗為讚褚遂良書閣立本畫

重明閣華清有重明閣臨高瞰渭川如在諸掌

功臣閣卜子陽園苑疏功臣閣在太極殿東閣上亦圖功臣及藏秘書

紫雲閣吳聞集曰紫雲閣在嘉政殿之東前有九天寶年秦中大旱明皇於此殿令葉法善祠鏡龍遂得甘雨

清輝閣景龍文館記中宗登清暉閣遇雪令學士賦詩宗楚客曰太一天為水蓬萊雪作山

紫閣新說曰紫閣在御宿川南紫閣山唐御史薛昌朝詩曰閣下寒溪漲碧湍閣前蒼翠數峯環危梯磧蹬穿松外細竹分泉落石間好鳥啁啾爭喚客亂雲開合巧藏山獨來應為禪僧笑少有人能伴我閑章惇詩曰我生

山水鄉習得山中樂每觀唐人詩夢寐思紫閣杜甫有詩云紫閣峯陰入漢陂

翔鸞樓鳳閣新說曰含元殿前東曰翔鸞西曰樓鳳其飛簷與含元殿廊相接至今基址尚存

朝元閣新說曰朝元閣在華清宮南驪山上明皇雜錄天寶二載起朝元閣黃裳詩云東別家山十六程晚來和月到華清朝元閣下西風急都入長楊作雨聲津陽門詩朝元閣成老君現改降聖閣

奎鈞慶賜閣新說曰京兆府衙後有宋种太尉宅宅有賜書構慶賜閣以貯御書

紫陽閣新說曰乃河南轉運使紫陽先生書閣在鄆郊終南山下自題詩曰碧瓦朱甍動紫煙清風吹袂綉翩翩夢迴憶得三生事悔落黃塵六十年先生姓楊名奐字

渙然

樓

井幹樓漢宮殿疏神明臺高五十丈上有九室常置九天道士百人然則神明井幹俱高五十丈也井幹樓精木而高為樓若井幹之形井幹者井上木欄也其形或四角八角西京賦井幹疊而百層謂此樓也

馬伯騫樓漢宮殿儀曰長安有馬伯騫樓又有貞女樓雲和樓周地圖記曰連珠殿六楹五架又有雲和樓九間重閣

竹樓長安志貞元三年上御竹樓觀迎神策軍額在東內百尺樓長安志長慶元年禁中造百尺樓二楹飛橋以往來乞巧樓三輔記曰光化二年禁中建勤政務本樓唐實錄勤政樓在興慶宮南開元八年造每

歲千秋節酺飲於樓前

花萼相輝樓天寶遺事宣王憲申王撝岐王範薛王業卽  
第相連環於興慶側明皇因題花萼相輝之名取詩人  
常棣之義帝時登樓聞諸王音樂咸召升樓設五花帳  
同榻飲宴金石錄花萼樓詔李白撰碑文徐浩書丹喬  
康詩曰花萼樓空有故基行人空讀火餘碑可憐興慶  
池邊月曾伴宣王王笛吹

望春樓唐拾遺記天寶元年明皇升望春樓召群臣臨觀  
廣運潭樓在滄水西岸下有廣運潭

紫雲樓唐實錄文宗大和九年發左右神策軍三千人淘  
曲江修紫雲樓絳霞亭內出二額仇士良以百戲迎帝

御日華門臨觀

晨暉樓春明退朝錄唐元和十二年築夾道至僞德坊開

門曰玄化造樓曰晨暉

羯鼓樓天寶遺事明皇御華清宮羯鼓樓打遍京州羣花  
皆坼古詞曰羯鼓樓聲打開蜀道霓裳一曲舞破潼關  
斜陽樓明皇雜錄開元三年玄宗建斜陽樓於驪山上古  
詞云斜陽樓上凭欄杆望長安

望京樓明皇十七事明皇歲幸華清宮發馮翊華陰丁夫  
築羅城繚牆南開輦道上驪山以通望京樓

瑤光樓明皇雜錄華清宮津陽門天寶六載詔建瑤光樓  
觀風樓華清宮外東北隅屬夾城而達於內前臨馳道因  
視山川大曆中魚朝恩毀拆修章敬寺

秦樓新說曰長安舊有秦樓古詞云秦樓東風裏燕子還  
來尋舊壘又云吞漢武之金莖沆瀣吹弄玉之秦樓鳳  
簫又曲名有秦樓月

青樓新說曰古老相傳秦樓青樓俱在畫橋東平原坊煙  
脂翡翠兩坡相對古詩種花滿西園下有青樓道花下  
一莖未去之為惡草

飛雲樓新說曰飛雲樓在省衙中

結麟樓在大明宮中七聖紀曰鬱華亦文與日同居結麟  
黃文與月同居鬱華日精結麟月精也又太上黃庭內  
景王經曰高奔日月吾上道鬱儀結隣善相保梁丘子  
注曰鬱儀奔日之僊結隣奔月之僊一作結綺非是六  
典作結麟閣隣麟未知從何字為是

督武樓宣宗詔修右銀臺門樓屋宇及南面城牆至獻武  
樓翰林學士赴宴歸院過散武樓  
長樂樓 延喜樓江南雜報云在保安殿



觀

倦人觀三輔黃圖曰甘泉起倦人觀緣山谷行至雲陽三

百八十里入右扶風周回五百四十里

露寒觀武帝建元中作在雲陽甘泉宮外又石關觀封燧

觀鵠鵠觀旁皇觀儲胥觀

昆明觀又有昆明東觀三輔黃圖曰上林苑有昆明觀蓋

漢武帝所置桓譚新論曰元帝被病遠求方士漢中迷

道士王仲都詔問所能對曰能忍寒暑乃以隆冬盛寒

日令袒載駟馬車於上林昆明池上環水而馳御者厚

衣狐裘寒顫而仲都獨無變色卧於池臺上暉然自若

夏大暑日使曝坐環以十爐火不言熱又身不汗池臺

即觀也

陽祿觀長安志在上林苑班婕妤生子陽祿祜觀

上蘭觀王莽請元后校獵上蘭三輔黃圖曰上林有上蘭觀豫章觀鼎郊觀昆池觀朗池觀博望觀枲木觀便門觀眾

唐觀走馬觀則陽觀陰德觀燕升觀白鹿觀三爵觀

椒唐觀元華觀郎池觀益樂觀華元觀明光觀象觀以上

皆在上林苑中見三輔黃圖

青梧觀見西京雜記曰觀前有碧梧桐樹下有石麒麟二枚驪山墓秦始皇墓上物頭高一丈二尺

東邊者左脚折折處赤如血父老謂有神皆含血屬筋焉細柳觀郭璞曰在昆明池南

飛廉觀元封二年作甘泉通天臺長樂飛廉館應劭曰飛

廉神禽能致風氣明帝永平五年至長安迎取飛廉并

銅馬置上西門外名平樂館董卓悉銷以為錢晉灼曰

身似鹿頭如爵有角而蛇尾文如豹文觀一作館

屬玉觀服虔曰以玉飾因名焉在右扶風李奇曰屬玉音  
鶯鶯其上有此鳥因以為名晉灼曰屬玉水鳥似鴛鴦  
以名觀也師古曰晉說是也屬之欲反

蘭池觀三輔黃圖曰在城外又楊僕傳蘭池宮在渭城李  
善注文選咸陽縣東南三十里周氏陂陂南一里有漢  
蘭池焉

霸成觀見枳道事中 宜春觀在郿縣並見長安志

集靈觀三輔黃圖曰武帝起集靈觀

臨山觀漢宮殿名曰長安有臨山觀渭橋觀九華觀清華

觀昆明觀華光觀天梯觀瑤臺觀流渠觀相思觀華池

觀射熊觀當市觀白渠觀三崔觀溫德觀豫章觀

霸昌觀王莽傳王尋發長安宿霸昌廐師古曰霸昌觀之  
廐也三輔黃圖曰在城外

安臺觀 淪沮觀 烏魚觀 董賢觀 倉龍觀 以上並

見三輔黃圖

甲觀元帝在太子宫生成帝甲觀畫堂應劭曰甲觀在太  
子宫甲地主用乳生也畫堂畫九子母如淳曰甲觀觀  
名畫堂堂名三輔黃圖云太子宫有甲觀師古曰甲者  
甲乙丙丁之次也元右傳言見於丙殿此其例也而應  
劭以為在宮之甲地謬矣畫堂即畫飾耳豈必九子母  
乎霍光止畫堂中是則宮殿中通有彩畫之堂室

弘觀秦符堅置於未央之南見長安志

憑雲觀長安志西魏大統七年十二月御憑雲觀引見諸

王叔家人之禮

逍遙觀西魏帝嘗登逍遙觀望嵯峨山因謂左右曰望此  
令人有脫屣之意見長安志

玄都觀長安志後周建德元年正月武帝幸玄都觀說講

公卿道俗論難

歸真觀長安志云在唐西內安仁殿之西

大角觀長安志在唐東內大明宮珠鏡殿之東北

# 類編長安志卷之三